

02/01/2000

Vandalisme cemari sambutan

PERAYAAN menyambut alaf baru di beberapa tempat di Kuala Lumpur malam kelmarin cukup meriah. Pancaran bunga api diiringi sahutan `Selamat Tahun Baru'.

Sesudah itu, keadaan mendukacitakan jelas terpapar. Tinjauan Berita Minggu di beberapa kawasan di ibu kota mendapati masih ada sampah belum diangkut.

Malah, Bukit Bintang, antara destinasi pelancongan terkenal di negara ini, turut dicemari sampah sarap.

Seharusnya sampah di Bukit Bintang, termasuk botol minuman keras, segera dibuang kerana kawasan itu pernah menjadi tumpuan sesudah Perdana Menteri, Datuk Seri Dr Mahathir Mohamad, membangkitkan masalah kekotoran di situ.

Tinjauan juga mendapati banyak pokok lanskap yang ditanam di dalam pasu besar rosak teruk kerana dipijak ketika masing-masing terlalu leka menyambut perayaan itu.

(END)